



Ana Patricia Torres Madureira, na súa condición de voceira do Grupo Provincial Popular na Deputación de Ourense, con base ao previsto nos artigos 91 e 97 do ROF, e de acordo á Lei de Base Reguladora do Réxime Local e o Regulamento da Corporación, presenta a seguinte **MOCIÓN PARA RECLAMAR AO GOBERNO DE ESPAÑA UN REPARTO EQUITATIVO DOS FONDOS NEXT GENERATION AOS CONCELLOS**, para o seu debate no pleno da corporación, tendo en conta a seguinte

EXPOSICIÓN DE MOTIVOS:

En xullo de 2020, o Consello Europeo acordou un instrumento excepcional de recuperación temporal coñecido como Next Generation EU (Próxima Xeración UE) dotado con 750.000 millóns de euros para o conxunto dos Estados Membros. O Fondo de Recuperación garante unha resposta europea coordinada cos Estados Membros para facer fronte ás consecuencias económicas e sociais da pandemia.

Os fondos poden utilizarse para conceder préstamos reembolsables por un volume de ata 360.000 millóns de euros e transferencias non reembolsables por unha cantidade de 390.000 millóns de euros.

Os instrumentos de maior volume do Next Generation EU son, o Mecanismo para a Recuperación e a Resiliencia (MRR), dotado con 672.500 millóns de euros e o Fondo REACT-EU con 47.500 millóns de euros.

O plan Next Generation tamén achegará fondos adicionais a outros programas europeos, como o Fondo Europeo Agrario de Desenvolvemento Rural (FEADER) e o Fondo de Transición Xusta (FTJ), dos cales España recibirá 720 e 450 millóns de euros, respectivamente.

En total, España recibirá aproximadamente 140.000 millóns de euros, dos que 60.000 millóns corresponden a transferencias non reembolsables. Ademais, poderá acceder a un volume máximo de 80.000 millóns de euros en préstamos.



Coa finalidade de adaptar as normas sobre a xestión dos fondos, o Goberno do Estado crea o Decreto Lei 36/2020 do 30 de decembro, polo que se aproban as medidas para a modernización da administración e para a execución do Plan de Recuperación, de talante claramente centralizado e que casa mal coa co-gobernanza do país.

Xa o Parlamento Galego instou á Xunta de Galicia a dirixirse ao Goberno do Estado para que rectifique o centralismo e a falta de planificación na xestión dos fondos europeos de recuperación, ao tempo que reclama certezas para poder levar a cabo o financiamento de proxectos estratéxicos para Galicia desde o diálogo e o respecto das competencias propias da nosa comunidade.

E no referente aos concellos, chegar a estes fondos é moi complicado, o que fai que máis do 60 % destas entidades locais non leve executado nin o 50 % dos fondos asinados, facendo que unha gran oportunidade se converta nun serio problema.

Estando a conceder fondos cando os concellos non teñen os medios técnicos para poder afrontar as tramitacións dos expedientes, ou mesmo cando a propia plataforma do Goberno non está preparada para recibir as solicitudes. É todo un proceso caótico, no que os que saen prexudicados son as nosas veciñas e veciños.

A solicitude destes fondos estase a transformar a miúdo nun colosal quebradizo de cabeza para os concellos que, ao carecer de recursos económicos e de persoal especializado, móstranse impotentes diante da excesiva maquinaria burocrática que impón a Unión Europea para acceder a estas axudas tendo que pedilos a través de consultoras cuns prezos elevadísimos.

Moitos fracasan no intento ou vense obrigados a realizar auténticos malabarismos contables e mesmo endebedarse para lograr que a súa aventura europea sexa un éxito.



DEPUTACIÓN
DE OURENSE

En virtude de todo o exposto, o Grupo Provincial Popular propón ao pleno os seguintes acordos.

1. Instar ao Goberno de España a que cambie o modelo aplicable no reparto dos fondos Next Generation para que poidan chegar a todos os concellos mediante unha distribución en base a criterios obxectivos.
2. Contando que se atenda o cambio no modelo de reparto dos fondos en base a criterios obxectivos, instar ao Goberno de España a unha ampliación do prazo de solicitude e xustificación dos mesmos, para poder levar a cabo a totalidade dos proxectos.

Ourense, 12 de xuño de 2024.

44468060K Firmado digitalmente
por 44468060K ANA
ANA PATRICIA PATRICIA TORRES (R:
TORRES (R: V32237471)
V32237471) Fecha: 2024.06.11
13:23:15 +02'00'

Asdo. Ana Patricia Torres Madureira.

SR. PRESIDENTE DA DEPUTACIÓN PROVINCIAL DE OURENSE